



*Ruj. Tuan :*

*Ruj. Kami :* KP(BS)8591/Jld.VIII / (56)

*Tarikh :* 27 Disember 1993

Semua Pengarah Pendidikan Negeri

Tuan,

**SURAT PEKELILING IKHTISAS BIL. 10/1993 :**  
**Penggunaan Buku Kerja Di Sekolah**

Sukacita saya menarik perhatian tuan kepada Peraturan Penggunaan Buku Kerja Di Sekolah, Kementerian Pendidikan telahpun mengeluarkan arahan menerusi surat-surat pekeling seperti tersebut di bawah :-

- i. Surat KP.BT.8772/1990/SP/(22) bertarikh 5 Januari 1990.
  - ii. Surat KP.BT.8772/1990/SP/(23) bertarikh 1 Jun 1990.
  - iii. Surat KP.BT.9010/(30) bertarikh 2 Oktober 1991.
2. Bagaimanapun, setelah adanya peraturan-peraturan dikeluarkan, Kementerian ini masih mendapati ada sebilangan sekolah-sekolah yang tidak mematuhi arahan pekeling tersebut.
3. Sehubungan dengan itu, saya ingin menegaskan bahawa pekeling-pekeling ini masih berkuatkuasa. Oleh yang demikian, tuan adalah dikehendaki mengambil tindakan bagi menentukan supaya sekolah-sekolah benar-benar mematuhi peraturan-peraturan yang telah ditetapkan.
4. Untuk rujukan, bersama-sama ini disertakan salinan surat-surat pekeling tersebut untuk tuan panjangkan kepada semua Pegawai Pendidikan Daerah/Bahagian, Pengetua dan Guru Besar di negeri tuan untuk tindakan selanjutnya.

Sekian, terima kasih.

**"BERKHIDMAT UNTUK NEGARA"**

**(DATUK DR. WAN MOHD ZAHID BIN MOHD NOORDIN)**  
Ketua Pengarah Pendidikan Malaysia

- s.k
1. Y.B. Datuk Amar Dr. Sulaiman Daud  
Menteri Pendidikan Malaysia
  2. Y.B. Dr. Leo Michael Toyad  
Timbalan Menteri Pendidikan Malaysia
  3. Y.B. Dr. Fong Chan Onn  
Timbalan Menteri Pendidikan Malaysia
  4. Ketua Setiausaha  
Kementerian Pendidikan Malaysia
  5. Timbalan Ketua Pengarah Pendidikan I
  6. Timbalan Ketua Setiausaha I
  7. Timbalan Ketua Pengarah Pendidikan II
  8. Timbalan Ketua Setiausaha II
  9. Ketua-Ketua Bahagian  
Kementerian Pendidikan
  10. Pegawai Perhubungan Awam



*Ruj. Tuan :*

*Ruj. Kami :* KP.BT.8772/1990/SP/(22)

*Tarikh :* 5 Januari 1990

Semua Pengarah Pendidikan Negeri  
Semua Pengetua Sekolah Menengah  
Semua Guru Besar Sekolah Rendah

Y.Bhg. Dato'/Tuan/Puan,

### **Penggunaan Buku Kerja Di Sekolah**

Penggunaan Buku Kerja dan Buku Tambahan telah meluas di sekolah-sekolah sehingga menimbulkan beban kewangan kepada ibu bapa. Di samping itu, penggunaan buku kerja oleh guru-guru yang tidak dikawal telah menimbulkan reaksi yang negatif dari orang ramai terhadap Kementerian Pendidikan sehingga lahir tuduhan-tuduhan yang tidak baik terhadap Pengetua/Guru Besar dan guru dalam media massa. Dengan meluasnya penggunaan buku kerja dan buku tambahan semasa pengajaran, buku teks tidak digunakan sepenuhnya sebagai bahan pengajaran walaupun Kementerian Pendidikan telah membelanjakan peruntukan kewangan yang besar bagi membekalkan buku teks kepada murid-murid di seluruh negara.

2. Mulai tarikh kuatkuasa surat pekeliling ini, maka semua Pengetua/Guru Besar dan guru adalah dikehendaki mematuhi peraturan seperti berikut :-

- (a) Guru tidak dibenarkan menggunakan buku kerja semasa waktu mengajar dalam kelas.
- (b) Buku kerja tidak dibenarkan untuk disenaraikan dalam senarai buku di sekolah-sekolah.
- (c) Juru jual dan kedai buku tidak dibenarkan masuk ke dalam kawasan sekolah dengan tujuan untuk menjual buku ataupun membuat promosi menggalakkan murid-murid menggunakan buku kerja mereka. Segala bentuk promosi atau pengiklanan buku kerja dalam kawasan sekolah adalah tidak dibenarkan.

3. Semua Pengetua dan Guru Besar adalah dikehendaki mematuhi peraturan-peraturan di atas dan memastikan bahawa segala bentuk penggunaan ataupun promosi penggunaan buku kerja dalam kawasan sekolah dan bilik darjah tidak berlaku lagi. Sebagai profesional, guru seharusnya membina dengan sendiri aktiviti-aktiviti tambahan untuk proses pengajaran dan pembelajaran tanpa bergantung atau berpandu kepada buku kerja atau tambahan.

4. Dalam penyediaan buku teks KBSM baharu yang sudah dan akan diedarkan pada masa hadapan, aktiviti dan kerja tambahan telah dan akan diperluas dan ditambah supaya tidak lagi perlu murid-murid menggunakan buku kerja atau buku tambahan dari pasaran terbuka.

Sekian, terima kasih.



**TAN SRI DATUK WIRA ABDUL RAHMAN ARSHAD**  
Ketua Pengarah Pendidikan Malaysia

s.k. Y.Bhg. Datuk TKPP I  
Y.Bhg. Datuk TKPP II  
Setiausaha Sulit Kanan YB Menteri Pendidikan  
Setiausaha Sulit Kanan YB Timbalan Menteri Pendidikan I  
Setiausaha Sulit Kanan YB Timbalan Menteri Pendidikan II



PEJABAT KETUA PENGARAH PENDIDIKAN MALAYSIA  
KEMENTERIAN PENDIDIKAN MALAYSIA  
BLOK J, PARAS 7  
PUSAT BANDAR DAMANSARA  
50604 KUALA LUMPUR

Tel : 03-2556900  
Fax : 03-2543107  
Kawat : "PELAJARAN"

Ruj. Tuan :

Ruj. Kami : KP.BT.8772/1990/SP/(23)

Tarikh : 1 Jun 1990

Semua Pengarah Pendidikan Negeri

Semua Pengetua Sekolah Menengah

Semua Guru Besar Sekolah Rendah

Y.Bhg. Dato'/Tuan/Puan,

### **Penggunaan Buku Kerja Di Sekolah**

Merujuk kepada Surat Pekeliling Kementerian KP.BT.8772/1990/SP/(22) bertarikh 5 Januari 1990 mengenai penggunaan buku kerja di sekolah, Kementerian telah mengkaji rayuan daripada semua pihak tentang larangan penggunaan buku kerja di sekolah-sekolah dan bersetuju menangguhkan penguatkuasaan Surat Pekeliling yang tersebut di atas sehingga tamat tahun persekolahan 1990/1991.

2. Satu arahan baru tentang garis panduan penggunaan buku kerja di sekolah-sekolah selepas tamat tahun persekolahan 1990/1991 akan dikeluarkan oleh pihak Kementerian.

Sekian, terima kasih.

**TAN SRI DATUK WIRA ABDUL RAHMAN ARSHAD**  
Ketua Pengarah Pendidikan Malaysia

s.k. Y.Bhg. Datuk TKPP I  
Y.Bhg. Datuk TKPP II  
Setiausaha Sulit Kanan YB Menteri Pendidikan  
Setiausaha Sulit Kanan YB Timbalan Menteri Pendidikan I  
Setiausaha Sulit Kanan YB Timbalan Menteri Pendidikan II



Ruj. Tuan :

Ruj. Kami : KP.BT.9010/(23)

Tarikh : 2 Oktober 1991

Semua Pengarah Pendidikan Negeri

Y.Bhg. Dato'/Tuan,

**SURAT PEKELILING IKHTISAS BIL. 10/1991 :**  
**Penggunaan Buku Kerja Di Sekolah Rendah**

Penggunaan buku kerja yang begitu meluas di sekolah-sekolah rendah telah menimbulkan berbagai reaksi dari guru-guru dan ibu bapa. Oleh itu, beberapa Pekeliling Kementerian telah dikeluarkan mengenai perkara tersebut. Di dalam hal ini, Kementerian berpendapat bahawa buku kerja dan bahan latihan yang baik dan sesuai sepatutnya dihasilkan sendiri oleh guru-guru dari sekolah yang berkenaan kerana mereka lebih mengenali dan memahami peringkat kebolehan murid-murid mereka. Buku kerja telah banyak digunakan di sekolah-sekolah sehingga murid dan guru bergantung sepenuhnya kepada buku kerja sebagai bahan pengajaran dan pembelajaran dan mengabaikan buku teks. Perlu ditegaskan di sini bahawa buku teks adalah merupakan bahan utama dalam proses pengajaran dan pembelajaran dan buku kerja sebagai bahan tambahan.

2. Di bawah ini diberikan garis panduan mengenai penggunaan buku kerja sekolah rendah untuk dipatuhi oleh semua Guru Besar dan guru seperti berikut :

(a) Penggunaan

- i. Satu judul buku kerja dibenarkan hanya untuk mata-mata pelajaran KBSR berikut :

Jenis Sekolah	Mata Pelajaran			
SK/SRK	Bahasa Melayu	Bahasa Inggeris	Matematik	-
SRJK (C)	Bahasa Melayu	Bahasa Inggeris	Matematik	Bahasa Cina
SRJK (T)	Bahasa Melayu	Bahasa Inggeris	Matematik	Bahasa Tamil

- ii. Guru-guru tidak boleh menggunakan sepenuhnya buku kerja semasa waktu mengajar dalam kelas di sekolah.
- iii. Buku kerja digunakan hanya sebagai sumber latihan setelah guru-guru mengajar konsep dan kemahiran kepada murid-murid.
- iv. Murid-murid boleh menggunakan buku kerja sebagai bahan rujukan dan untuk kerja rumah.

- v. Guru-guru boleh menggunakan buku kerja untuk mengulangkaji pelajaran.

(b) Pemilihan

- i. Pemilihan buku kerja hendaklah dilakukan oleh panitia mata pelajaran KBSR sekolah masing-masing berdasarkan kesesuaian isi kandungan, mutu dan harga.
- ii. Hanya satu judul buku kerja dibenarkan dipilih untuk tiap-tiap satu mata pelajaran seperti di pada 2 (a) i di atas.
- iii. Isi kandungan buku kerja yang dipilih hendaklah bersesuaian dan menepati kemahiran yang disarankan dalam Buku Panduan Khas KBSR dan sesuai dengan peringkat kebolehan murid. Laporan pemilihan yang terperinci hendaklah disediakan bagi setiap buku kerja yang dipilih berdasarkan kriteria sekolah masing-masing mengenai isi kandungan, mutu dan harga.
- iv. Harga buku kerja yang dipilih hendaklah berpatutan dan tidak membebankan ibu bapa.

(c) Penjualan

- i. Penjualan boleh dibuat di kedai buku sekolah atau koperasi sekolah sahaja.
- ii. Penerbit tidak dibenarkan membuat promosi jualan kepada murid-murid dan guru-guru di sekolah.

3. Dengan penguatkuasaan Pekeliling ini mulai 1 Disember 1991, maka semua Pekeliling Kementerian sebelum ini yang berkaitan dengan buku kerja adalah dibatalkan.

4. Kerjasama Y.Bhg. Dato'/Tuan adalah diminta untuk memaklumkan kandungan Pekeliling ini kepada semua Guru Besar di negeri masing-masing.

Sekian, terima kasih.

**“BERKHIDMAT UNTUK NEGARA”**

**“CINTAILAH BAHASA KITA”**



**TAN SRI DATUK WIRA ABDUL RAHMAN ARSHAD**  
Ketua Pengarah Pendidikan Malaysia

s.k. Y.B. Dato' Amar Dr. Sulaiman bin Daud  
Menteri Pendidikan Malaysia